

唐玄宗御製道德真經疏卷之三

才三

唐玄宗御製道德真經疏卷之三

才三

上德不德章第三十八

上仁爲之而無以爲

義云小惠未孚者春秋莊十年魯人曹劌對魯公之語也是歲正月公敗齊師于長

勺將戰曹劌請見其鄉人曰肉食者謀之又何問焉劌曰肉食者鄙未能遠謀乃入見問何以戰公曰衣食所安弗敢專也必以分人對曰小惠未遍民弗從也公曰犧牲玉帛弗敢加也必以信對曰小惠未孚

神弗福也公曰小大之獄雖不能察必以情對曰忠之屬也可以一戰戰則請從公與之乘戰于長勺公將鼓之劇曰未可齊人三鼓劇曰可矣齊師敗績公將馳之劇曰未可下視其轍登軾而望之曰可矣遂逐齊師既剋公問其故對曰夫戰勇氣也一鼓作氣再鼓衰三而竭彼竭我盈故剋之夫大難測懼有伏焉吾視其轍亂望其旗靡故逐之

上禮爲之

䟽曲爲之防○義云制禮以防民曲也  
故失道而後德

義云春秋昭二十六年晏子對齊景公曰  
禮之爲國爲國與天地並君令臣恭父慈  
子孝兄愛弟敬夫和妻柔姑慈婦聽禮也

君令而不違臣恭而不貳父慈而教子孝  
而箴兄愛而友弟敬而順夫和而義妻柔  
而正姑慈而從婦聽而婉謂之善物也公  
曰善哉寡人而今而後聞此禮之上也對  
曰先王所稟於天地以爲其民也是以先

王上也則理世之道禮為急矣

昔之得一章第三十九

侯王得一以為天下正

義云春秋曰今之王古之帝也昔堯舜之  
前皆稱為帝舜授於禹禹以謙讓自云德

才三

二

不及帝故去帝稱王亦云禹沒禪位於益  
禹之子啓居于箕山啓賢故諸侯去益而  
朝啓禹雖有禪益之名而天下之人皆歸  
於啓啓以德不及五帝乃自稱王自是之  
後皆以王為號至秦併天下吞滅諸侯獨

爲一統乃上採三皇下兼五帝通爲皇帝  
之號焉今之王爵居五等之上漢法非劉  
氏不王非功臣不侯自是相承以天子之  
衆子爲王嫡爲太子自周有天下王之子  
爲王子之孫爲王孫國朝定法以皇帝之  
孫姪爲郡王承嗣者爲嗣王異姓有功者  
封王或錫以美號或封郡王然皆無列土  
之位矣

天無以清

義云晉惠帝元康年中人君德衰天示災

變天裂數丈殷然有聲是失沖和之道也  
自此西晉版蕩惠帝哀帝皆罹其咎

地無以寧

義云史記云周幽王二年辛酉西周三川  
皆震岐山崩春秋二百四十二年地震有

才三

三

五又有梁山崩沙鹿崩石言筭妖異洎秦  
漢已降不可勝紀大則淪陷城邑小則摧  
圮廬舍也

神無以靈

義云春秋僖三十二年七月神降于莘號

公享之周惠王河內史過曰是何故也對  
曰國之將興明神降之鑒其德也將亡神  
亦降之觀其惡也故有得神以興亦有得  
神以亡虞夏商周皆有之矣虢多涼德其  
將亡乎後虢國遂滅昔河神為虐娶女子  
入西門豹投巫於河其害遂息

谷無以盈

義云老君曰伊雒竭而夏亡河竭而商亡  
周幽王辛酉川竭山崩周亡之徵也亡不  
過十年數之紀也數及於十紀猶極也十



一年庚申西周為犬戎所滅平王東遷是也

侯王無以貴高

義云侯則晉靈公夷臯宋昭公杵臼齊懿公商人陳靈公平國是也王則夏之太康

殷之武乙周之幽厲漢之桓靈是也

疏天生萬物惟人為靈○義云書太誓篇文也

故貴以賤為本

疏民惟邦本詩云愷悌君子○義云尚書

五子之歌也愷悌者詩大雅泂酌篇之詞也

是以侯王自謂孤寡不穀

疏孤與二三臣悼心失圖

義曰孤與二三臣者春秋昭七年二月楚

才三

四

子成章華之臺願與諸侯落之宮室始成

祭之為落也太宰為音啓疆曰臣能得魯

侯遠音啓疆來召公辭曰昔先君成公命

我大夫嬰齊曰吾不忘先君之好將使衛

父照臨楚國鎮撫其社稷以輯寧爾民嬰

齊受命于蜀盟盟在成二年奉承以來弗  
敢失殞而致諸宗祧自我先君恭王引領  
北望日月以奠傳序相授于今四王矣謂  
恭康邾敖靈王也嘉惠未至唯襄公之辱  
臨我喪孤與二三臣悼心失圖社稷之不  
遑况能懷思君德今君若步王跬辱見寡  
君寵靈楚國以信蜀之役致君之嘉惠是  
寡君既受貺矣何蜀之敢望其先君鬼神  
實嘉賴之豈惟寡君君若不來使臣請問  
行期寡君將承贄帛而見于蜀以請先君

之既公將往夢襄公祖梓慎曰公不果行  
襄公之適楚也夢周公祖而行今襄公實  
祖君其不行子服惠伯曰行先君未嘗適  
楚故周公祖以導之襄公適楚矣而祖以  
導君不行何之三月公如楚鄭伯勞于師  
才三  
之梁孟僖子為介不能相義及楚不能答  
郊勞四月享公于新臺使長鬣者相好以  
大屈之弓既而悔之為啓疆聞之見公公  
語之拜賀公曰何賀對曰齊與晉越欲此  
久矣寡君無適與也而傳諸君君其備禦

三隣慎守寶矣敢不賀乎公懼乃及之此  
言楚靈無信所以不終也九月公自至楚  
孟僖子病不能相禮乃講學苟能禮者從  
之遂令南宮敬叔已下學禮於孔子孔子  
與敬叔適周問禮於老子焉

疏稱寡人者即先君以寡人爲賢之例是  
也○義云如上經第三十三知人者智所  
解更不重錄

疏稱不穀者即不穀惡其無誠德之例是  
也○義云春秋十一年秦晉爲成將會于

令狐晉侯先至秦伯不肯涉河晉厲公秦桓公也秦伯次于王城使大夫史顛盟晉侯于河東晉郟犢盟秦伯于河西范文子曰是盟也何益齊盟所以質音致信也會所以信之始也始之不從其可質乎秦伯歸而背晉成十三年四月戊午晉侯使呂相絕秦時秦桓公既與晉厲公爲令狐之盟而又召狄與楚欲導之以伐晉諸侯是以睦賓于晉呂相語秦伯曰楚人惡君二三其德亦來告我曰秦背令狐之盟而來求

盟于我昭告皇天上帝秦三公楚三王曰  
余雖與晉出入余惟利是親不穀惡其無  
誠德是以宣之以懲不一諸侯備聞此言  
斯是用痛心疾首暋就寡人寡人率以聽  
命唯好是求君若惠顧諸侯而賜之盟寡

才三

六

人承寧諸侯以退君若不施大惠寡人不  
佞不能以諸侯退矣敢盡布之執事俾執  
事實圖之晉欒書士燮韓厥趙旃將四軍  
郟毅御戎欒鍼爲右五月丁亥晉侯以諸  
侯之師及秦師戰于麻隧秦師敗績獲秦

成羗及不更汝父此言秦伯背盟秦曲晉直有所敗也

上士聞道章第四十一

進道若退

義云李意期乞食于人寰陰長生受辱于都市侯道華寓跡于傭保皇甫獺示疾于丘林聲子狎狂壺公韜晦皆卑躬損志乃翦景冲真也

廣德若不足

疏良賈者○義云史記云孔子與南宮敬



叔適周問禮於老子老子曰子之所言其  
人骨已朽矣獨其言在爾吾聞之良賈之  
深藏若虛君子之盛德容貌若愚去子之  
驕氣與多慾態色與淫志皆無益于子之  
身吾所以告子者若是也

才三

七

大方無隅

䟽磨而涅而者○義云論語陽貨篇也

大器晚成

義云備物之用曰器者春秋定九年夏陽  
虎歸寶玉夏后民之璜封父之繁弱大弓

書之曰得器用也凡獲器用曰得得用曰  
獲故器者備物之用也

故物或損之而益

疏書云滿招損者○義云尚書大禹謨之  
辭也

強梁者不得其死

疏嚴仙人○義云蜀郡嚴遵字君平常於  
成都市以卜筮之道潛化於人人有不正  
之間必以陰陽之理制而止之日閱百錢  
而閉肆下簾作道德經指歸十四卷

天下之至柔章第四十三

不言之教

疏九流百氏。○義云九流者漢書云道家  
流者使人精神專一動合無形瞻足萬物  
其爲術也因陰陽之大順與時遷徙應物  
變化本清虛以自守卑弱以自持此人君  
南面之術也儒家流者蓋出司徒之官助  
人君明教化祖述堯舜憲章文武宗師仲  
尼以重其言於道最高此其所長也或失  
精微而僻又隨時抑揚違離道本苟以譁

衆取容後進僻儒之患名家疏者蓋出於  
春官名位不同禮亦異數子曰必也正名  
乎此其所長也及徵爲之則苟鈎鈇析辭  
而已爲君者慎器與名故曰惟名與器不  
可以假人縱橫流者蓋出於行人之官子

才三

曰使於四方不能專對又曰使乎使乎言  
當權事制宜受命不受辭此其所長也邪  
而爲之則尚詐而棄其信矣雜家流者蓋  
出於議官合儒墨兼名法此其所長也盪  
者爲之則羨無歸心矣農家流者蓋出於

農官播五穀以足衣足食洪範八政其一  
曰食此其所長也鄙者爲之欲使君子並  
耕矣小說家流者蓋出於稗官稗小宋也  
王者欲知風俗立稗官采街譚巷議之說  
子曰雖小道必有可觀致遠恐泥此亦藹  
蕘狂夫之義也墨家流者出於清廟之宇  
茅屋采椽兼受選士歆者爲推也陰陽家  
流者出於天官五行之說使人多拘忌也  
兵家流者出於司馬之官所以威不軌而  
昭文德兼弱攻昧以遏亂略以靖四國此

其威也百氏者六經正史之外自為述作  
自周以來立理著書凡百餘人皆稱曰子  
子者男子之通稱也不敢侔於六經皆目  
之曰子為論為記為書或以姓氏立稱或  
以因時表號則有鬻子曾子晏子孟子管  
子才三孫卿子魯連子列子莊子庚九桑子王孫  
子尹文子公孫尼子呂氏春秋鄧析音子  
鬼谷子之例是也

名與身章第四十四

名與身孰親

義云伯夷死於仁聶政死於義尾生死於  
信荆軻死於勇龍逢死於諫伍員死於忠  
介推死於怒是皆名顯身歿形骨飄零披  
面剖心火焚水溺齒劍抉眼自取滅亡  
甚愛必大廢多藏必厚亡

疏劍玉賈害譬諸懷璧詩禮發冢祗爲含  
珠○義云劍王者春秋桓十年虞公之弟  
虞叔有玉虞公求之弗與既而悔之曰周  
諺有之匹夫無罪懷璧之罪吾焉用此其  
以賈害也乃獻之又求其實劍叔曰是無

厭也無厭將及我恐將殺我也遂伐虞公  
虞公出奔洪池詩禮發冢者莊子外篇之  
辭也

大成若缺章第四十五

躁勝寒靜勝熱

義云天元經云立夏之後日行于地北入  
地少故夜短而晝長為熱立秋之後日行  
于地南入地多故夜長而晝短為涼日行  
去極遠近不同有暄涼寒暑之異是則寒  
暑躁靜陽氣之所運也若夫用道之君無



為致理政靜而物泰國安而人康四表來  
王五兵不用清虛凝寂澄默恬和姦詐不  
敢侵強梁不敢暴烽燧不起輦柝不驚海  
內晏如此靜而勝矣及其化之至則謳歌  
洽敬讓興九旋雍和四門穆穆制禮作樂  
舉賢用能梯航屬望而來庭書軌順規而  
稟化八表麇至羣方駿奔天地感通人神  
交暢熙熙然一變於道內絕窺窬之孽外  
無伺隙之隣歌之詠之舞之蹈之此靜理  
無為之所致也若其君以躁并臣以詐欺

才三

十

動搖甲兵振耀威福強師百萬北登單于  
之臺旌旗千里東涉沮遼之岸老弱被勞  
役婦女助轉輸四海沸騰六合搔擾及其  
人之弊也戶口減耗生靈轉移野絕人烟  
晝聞鬼哭此躁勝之所致也

天下有道章第四十六

義曰夫聖人之御宇也負斧耒而南面前  
巫後史卜筮瞽侑列于左右無爲而守至  
正也三公在朝三老在學百辟奉職修文  
德以懷遠敷道化以育人使俗洽和平家

興禮讓來琛賫於四塞息征戍於三邊倒  
載干戈休牛歸馬然後樂耕耨糞田疇多  
稼如雲餘糧栖畝苟或違此則怨敵交侵  
戎馬載馳甲兵復用此無道之所為也  
天下有道却走馬以糞

才三

十一

義曰古人有言曰君猶舟也人猶水也人  
非君不理舟非水不行舟水相須不可暫  
失故理國之本養人為先有道之君守在  
四夷外無兵寇戈楯不用鋒鏑不施却甲  
馬於三邊闢田疇於四野深耕淺種家給

國肥食爲人天務之大務也禮記云人者  
天地之德陰陽之交鬼神之會五行之秀  
故聖人作則必以天地爲本陰陽爲端四  
時爲柄日星爲紀鬼神以爲徒五行以爲  
質禮義以爲器人情以爲田四靈以爲畜  
故人情者聖王之田也情田無爲幾於道  
矣

天下無道戎馬生於郊

義曰理國不以道則開拓邊土侵伐戎夷  
封域不寧征役無已或貪蒟醬起番禺之

役好名馬起大宛之師骨壅窮荒血塗草  
莽營魄流飄於異域戎車淪滯於遠郊綿  
歲月以長征及瓜時而不反轉輸莫息杼  
軸甚空人怨國亡禍非天與所宜深戒也  
豈若宇內不擾諸侯咸賓君民協和上下  
相保使壯士無所施其力辯士無所銜其  
詞武士無所銳其鋒智士無所申其策鑄  
劔戟以爲犁鋤貨佩刀而市耕犢無爲無  
役以全永圖

罪莫大於可欲

義云春秋曰僖二十年宋襄公欲合諸侯  
魯大夫臧文仲聞之曰以欲從人則可以  
人從欲鮮濟言屈已欲從衆善也明年宋  
公爲鹿上之盟宋公子目夷曰小國爭盟  
幸而後敗是年秋楚人執宋公遂伐宋此  
言以人從欲乖其道也

才三

十二

咎莫大於欲得

義云老君悔過經云初犯爲罪亦名爲過  
過言誤也犯過一千八十爲禍禍重於罪  
矣犯千二百六十過爲咎咎又重於禍矣

不出户章第四十七

不為而成

疏凝神端宸○義云凝靜也端莊肅也宸  
龍屏也謂倚也形若屏風畫為斧文於明  
堂之中牖間而設之昔周公輔成王於明  
堂以朝諸侯負斧宸南面而立以正君臣  
之位

為學日益章第四十八

為學日益

義云學者覺也悟也言以先王之道開導

情性使覺悟也幼則昏迷而不悟未可以  
學長則捍格而難入不可以教學有三時  
一就人身中為時者十三歲之後可以習  
業也故學記云發然而後禁則捍格而不  
勝時過而後學則勤苦而難成二就年中

才三

十三

為時者內則云人之養子六年教之數一  
至十十至百千萬也與方名東西南北也  
七年男女不同席不共食八年出入門戶  
及即席飲食必後於長者教之讓也九年  
教之數日朔望與甲乙至壬癸六甲也十



年出就外傳。寄宿於外學書計十有三年。  
學舞勺誦詩背文而讀曰誦也。十五年成  
童舞象學射御。先舞籥籥似笛。執而文舞  
也。後舞象武舞也。二十四而冠。始學禮。三  
十有室。理男事。學無方。四十而仕。出謀發  
慮。五十服冠政是也。三就日中為時者言。  
隨時節氣受業。易入王制曰。春夏習詩雅。  
言春夏是陽陽體清。詩樂是聲聲以輕清。  
故也。秋冬習書禮。秋冬是陰陰體重。書禮  
是事事以重濁。故也。以輕清之時習輕清。

之業以重濁之時習重濁之事故其氣相感皆易人也

出生入死章第五十

動之死地十有三

義曰人之稟生有三業十惡三業者一身

二心三口業也十惡者身業有三惡一殺生二偷盜三邪淫心業亦有三惡一貪欲二嗔怒三愚癡口業有四惡一兩舌二惡口三妄言四綺語此三業十惡合為十有三矣制則生縱則死矣此十惡中各有四

緣皆為煩惱根何者殺生罪中有四種緣  
一實是衆生二起衆生想三有欲殺心四  
令斷他命偷盜罪中亦有四緣一實是他  
物二起他物想三有欲盜心四使移本處  
邪淫罪中亦有四緣一實是邪境二起邪

才三

十四

境想三發邪淫心四身受染樂事兩舌罪  
中亦有四緣一是所聞人二起前人想三  
起離間情四發分構語惡口罪中亦有四  
緣一是所罵人二起前人想三起惡罵心  
四發惡罵語妄言罪中亦有四緣一是所

欺人二起前人想三有欺安心四成虛違  
說綺語罪中亦有四緣一是所詐人二起  
前人想三發綺語心四吐非義語凡此十  
惡業計五十三條

陸行不遇兇虎

義曰瀟水湘水出九嶷零陵其地有犀兕  
焉昔晉人郭文字文舉栖於餘杭大滌山  
與虎同處每出城市虎必隨之人或問之  
曰先生有道乎何擊獸之馴擾若是也文  
舉曰人無害獸之心獸無傷人之意亦何

術也

虎無所措其爪

義云神仙傳劉剛字伯鸞與妻樊夫人俱  
得神仙之道剛為上虞令遊四明山遇虎  
虎見剛俯伏不敢起以語夫人夫人徑往

十三

十五

以繩繫虎而歸如家犬焉蓋道德所攝也

天下有始章第五十二

見小曰明

䟽憂悔悟者易繫辭也

使我介然章第五十三

義云武備者春秋定十年夏與齊景公會于夾谷孔子攝行相事曰臣聞有文事者必有武備有武備者必有文備諸侯出疆必具官從請具左右司馬定公從之會所為壇位土階三等以遇禮相見揖讓而登獻酬已畢齊使萊人以兵鼓譟劫定公孔子歷階而進不盡一等以公退曰士兵之吾兩君為好而裔夷之俘敢以兵亂之非齊君所以命諸侯也裔不謀夏夷不亂華

俘不干盟兵不逼好於神爲不祥於德於  
爲愆義於人爲失禮君必不然齊侯心忤  
麾而避之有頃齊侯奏宮中之樂倡優侏  
儒戲於公前孔子趨進歷階而上不盡一  
等曰疋夫而笑侮諸侯者罪應誅請有司  
速加法焉於是斬侏儒手足異處齊侯懼  
有慚色既盟諸侯歸責其羣臣曰魯以君  
子之道輔其君而子獨以夷狄之道教寡  
人使寡人得罪於魯君乃歸所侵魯鄆謹  
龜陰之田此文事武備也

善建者不拔章第五十四

善建者不拔

疏使儀刑作孚○義云詩大雅曰儀刑文  
王萬邦作孚孚信也文王以道垂化萬邦  
歸信也

十三

十六

修之家

疏易曰積善之家○義云易坤卦文言也

修之天下

義云天子味道耽玄敬天順地凝心玄默  
端已無為書軌大同梯航入貢四夷欵附



萬國來王道無不被其德周普矣廟堂者  
天子政事之所也德施普者易乾卦象曰  
見龍在田德施普也

以天下觀天下

義云君不修則桀紂是也生人塗炭寰海  
叛離骨肉仇讐肝腦塗地雖有謀臣武士  
不能用也雖有金城湯池不能守也以萬  
乘之貴希疋夫之生不可得也君修之則  
堯舜是也四海之內比屋可封慈惠浹於  
殊庭正朔頒於萬寓雖有水旱之災年不

害也雖有征伐之師人不然也

唐玄宗御製道德真經疏卷之三

才三

十七



